

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

Rješenja
po Prijavi koncentracije privrednog subjekta „BLAGOEVGRAD-BT“ Blagoevgrad,
Republika Bugarska

Sarajevo,
avgust 2013. godine



Broj: 01-26-1-013- 8-II/13
Sarajevo, 1. avgusta 2013. godine

Na osnovu člana 25. stav (1) tačka e), člana 42. stav (1) tačka d), a u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta „BLAGOEVGRAD-BT” a.d., Pokrovnishko Shosse 1, 2700 Blagoevgrad, Republika Bugarska, podnesenoj po opunomoćeniku Bogdanu Goluboviću, advokatu, Gundulićeva 100, 78000 Banja Luka, Konkurencijsko vijeće Bosne i Hercegovine, na 64. (šezdesetojčetvrtj) sjednici održanoj dana 1. avgusta 2013. godine, je donijelo

R J E Š E N J E

1. Ocjenjuje se dopuštenom koncentracija na tržištu prodaje duhanskih proizvoda u Bosni i Hercegovini koja će nastati sticanjem kontrole privrednog subjekta „BLAGOEVGRAD-BT” a.d., Pokrovnishko Shosse 1, 2700 Blagoevgrad, Republika Bugarska, nad privrednim subjektom Akcionarsko društvo „FABRIKA DUVANA“ Banja Luka, Kralja Petra I Karađorđevića 82, 78000 Banja Luka, kupovinom najmanje (preko 50,0%)*¹ dionica s pravom glasa od privrednog subjekta Društvo sa ograničenom odgovornošću za proizvodnju i usluge „ANTONIĆ TRADE“ Laktaši, Novosadska 20, Trn, 78250 Laktaši.
2. Ovo Rješenje je konačno i upisuje se u registar koncentracija.
3. Ovo Rješenje bit će objavljeno u Službeni glasnik BiH, službenim glasnicima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 27. juna 2013. godine pod brojem: 01-26-1-013-II/13, Prijavu koncentracije (u daljem tekstu: Prijava) privrednog subjekta „BLAGOEVGRAD-BT” a.d., Pokrovnishko Shosse 1, 2700 Blagoevgrad, Republika Bugarska (u daljem tekstu: Podnosilac prijave ili „BLAGOEVGRAD”), putem opunomoćenika Bogdana Golubovića, advokata, Gundulićeva 100, 78000 Banja Luka (punomoć od dana 18. juna 2013. godine), kojom Podnosilac prijave namjerava kupiti od privrednog subjekta Društvo sa ograničenom odgovornošću za proizvodnju i usluge „ANTONIĆ TRADE“ Laktaši, Novosadska 20, Trn, 78250 Laktaši (u daljem tekstu: ANTONIĆ TRADE“) najmanje (preko 50,0%)*¹ dionica s pravom glasa u njegovom povezanom društvu - privrednom subjektu Akcionarsko društvo „FABRIKA DUVANA“ Banja Luka, Kralja Petra I Karađorđevića 82, 78000 Banja Luka (u daljem tekstu: „FABRIKA DUVANA“).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata («Službeni glasnik

¹ (..)**- podaci predstavljaju poslovnu tajnu, u smislu člana 38. Zakona o konkurenciji

BiH», broj 30/10), te je zatražilo dopunu iste, u skladu sa članom 31. Zakona, aktom broj: 01-26-1-013-1-II/13 dana 12. jula 2013. godine.

Podnosilac prijave je dostavio traženu dokumentacije, podneskom broj: 01-26-1-013-3-II/13 dana 23. jula 2013. godine.

Konkurencijsko vijeće, u skladu sa članom 16. stav (4) Zakona dana 25. jula 2013. godine, je objavilo u dnevnim novinama Obavještenje o dostavljenoj Prijavi (akt broj: 01-26-1-013-4-II/13 od dana 24. jula 2013. godine) (u daljem tekstu: Obavještenje), u kojem su objavljeni podaci o namjeravanoj koncentraciji, te su pozvane sve zainteresovane strane na dostavljanje pisanih komentara u vezi provođenja iste. Na predmetno Obavještenje nisu dostavljeni komentari.

Nakon kompletiranja Prijave Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, broj: 01-26-1-013-6-II/13 dana 30. jula 2013. godine.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan Bosne i Hercegovine.

Konkurencijsko vijeće u postupku ocjene namjeravane koncentracije je utvrdilo sljedeće činjenice:

Predmetna Prijava je podnesena blagovremeno, u smislu člana 16. stav (1) Zakona o konkurenciji.

1. Učesnici predmetne koncentracije

Učesnici predmetne koncentracije su privredni subjekt „BLAGOEVGRAD-BT” a.d., Pokrovniško Shosse 1, 2700 Blagoevgrad, Republika Bugarska, i privredni subjekt Društvo sa ograničenom odgovornošću za proizvodnju i usluge „ANTONIĆ TRADE“ Laktaši, Novosadska 20, Trn, 78250 Laktaši (povezano privredno društvo - predmet koncentracije privredni subjekt Akcionarsko društvo „FABRIKA DUVANA“ Banja Luka, Kralja Petra I Karađorđevića 82, 78000 Banja Luka).

1.1. Privredni subjekt „BLAGOEVGRAD” Blagoevgrad

Privredni subjekt „BLAGOEVGRAD-BT” a.d., Pokrovniško Shosse 1, 2700 Blagoevgrad, Republika Bugarska, upis je dana 14. januara 1994. godine u registar Okružnog suda u Blagoevgrad, a nakon toga upisane su izmjene u Registar Ministarstva pravde - Agencija za registre pod brojem: 811154751, sa (..)** vlasničkih udjela privrednog subjekta „Bulgartabac – Holding“ AD, 63, Graf Ignatiev Str., 1000 Sofia, Republika Bugarska (u daljem tekstu: „Bulgartabac – Holding“).

Agencija za privatizaciju u svojstvu prodavca dana 14. oktobra 2011. godine je prenijela (nakon provedenog javnog tendera) (..)** dionica, koje čine (..%)** kapitala privrednog subjekta „Bulgartabac Holding“, na privredni subjekt „BT Invest“ GmbH, Czerninplatz 4 1020 Wien, Republika Austrija.

Pretežne registrovane djelatnosti privrednog subjekta „BLAGOEVGRAD-BT” su otkup, industrijska obrada duhana, proizvodnja i trgovinu duhanskim proizvodima.

Privredni subjekt „BLAGOEVGRAD-BT” na relevantnom tržištu Bosne i Hercegovine nema povezanih privrednih subjekata, odnosno 10,0% ili više udjela, niti 10,0% ili više prava glasa u nekom privrednom subjektu.

1.2. Privredni subjekt „ANTONIĆ TRADE“ d.o.o. Laktaši

Privredni subjekt Društvo sa ograničenom odgovornošću za proizvodnju i usluge „ANTONIĆ TRADE“ Laktaši, Novosadska 20, Trn, 78250 Laktaši, je registrovan u Okružnom privrednom sudu u Banja Luci pod brojem: 11250-00 (JIB 4401160010001), s upisanim osnovnim kapitalom od (..) ** KM, sa (..) ** % vlasničkih udjela fizičkog lica Nebojše Antonića, (..) **.

Pretežne registrovane djelatnosti privrednog subjekta „ANTONIĆ TRADE“ su trgovina na veliko duhanskim proizvodima, trgovina na veliko i malo prehrambenim proizvodima, opremom, robama široke potrošnje itd.

1.2.1. Privredni subjekt „FABRIKA DUVANA“ Banja Luka

Privredni subjekt Akcionarsko društvo „FABRIKA DUVANA“ Banja Luka, Kralja Petra I Karađorđevića 82, 78000 Banja Luka, je registrovan u Okružnom privrednom sudu u Banja Luci, pod brojem: 1-7929-00 (JIB 4400958610001), s upisanim osnovnim kapitalom od (..) ** KM, sa (preko 50,0% ** vlasničkih udjela privrednog subjekta „ANTONIĆ TRADE, dok (preko 40,0%) ** vlasničkih udjela imaju ostali dioničari.

Pretežne registrovane djelatnosti privrednog subjekta „FABRIKA DUVANA“ su proizvodnja duhanskih proizvoda i trgovina na veliko duhanskim proizvodima.

Privredni subjekt „FABRIKA DUVANA“ ima poslovnu jedinicu u Istočnom Sarajevu.

Privredni subjekt „FABRIKA DUVANA“ na relevantnom tržištu Bosne i Hercegovine nema povezanih privrednih subjekata, odnosno 10,0% ili više udjela, niti 10,0% ili više prava glasa u nekom privrednom subjektu.

2. Obaveza prijave koncentracije

Obaveza prijave koncentracije nastaje, u smislu odredbe člana 14. stav (1) Zakona, kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji, i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40%.

Ukupni godišnji prihodi privrednih subjekata učesnika predmetne koncentracije (i povezanih privrednih subjekata), na dan 31. decembra 2012. godine, iznose:

Tabela 1.

KM	BLAGOEVGRAD-BT	Bulgartabac – Holding	FABRIKA* DUVANA	ANTONIĆ TRADE
Svijet	(..) **	(..) **	(..) **	(..) **
Bosna i Hercegovina	(..) **	(..) **	(..) **	-

Izvor: podaci iz Prijave - *ukupan prihod za 2012. godinu – (..) ** KM

Godišnji prihod učesnika koncentracije (Tabela 1.) predstavlja ukupan prihod (bez poreza na dodatnu vrijednost i drugih poreza koji direktno odnose na učesnika koncentracije, na svjetskom i na tržištu Bosne i Hercegovine, u smislu člana 14. stav (3) Zakona.

Konkurencijsko vijeće je pri izračunavanju ukupnih godišnjih prihoda učesnika koncentracije uzelo u obzir i prihode privrednog subjekta Bulgartabac – Holding (ukupan prihod od (..) ** KM u 2012. godini), ostavrene na relevantnom tržištu Bosne i Hercegovine (u smislu člana 2. stav (3) Zakona).

Slijedom navedenog učesnici koncentracije ispunjavaju uslov ukupnog godišnjeg prihoda, iz člana 14. stav (1) tačke a) i b) Zakona, te su obavezni podnijeti prijavu koncentracije.

3. Pravni okvir ocjene koncentracije

Konkurencijsko vijeće u provedbi postupka ocjene dopuštenosti predmetne koncentracije je primjenilo odredbe Zakona, Odluku o utvrđivanju relevantnog tržišta («Službeni glasnik BiH», br. 18/06 i 34/10), te Odluku o načinu podnošenja prijave i kriterija za ocjenu koncentracija privrednih subjekata.

Konkurencijsko vijeće je, na osnovu člana 43. stav (7) Zakona, koristilo i sudsku praksu Evropskog suda i odluke Evropske komisije, kao i kriterije i standarde iz Obavještenja Evropske Komisije o izračunavanju ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekata.

4. Pravni osnov i oblik predmetne koncentracije

Pravni osnov namjeravane koncentracije, u smislu člana 16. stav (1) tačka Zakona definisan je u članu 8. tačka f) alineja 6. Odluke o načinu podnošenja prijave i kriterijima za ocjenu koncentracija privrednih subjekata.

Pravni osnov namjeravane koncentracije je Ugovor o kupoprodaju dionica (u daljem tekstu: Ugovor) zaključen između privrednog subjekta „ANTONIĆ TRADE“ i privrednog subjekta „BLAGOEVGRAD-BT“, dana 18. juna 2013. godine.

Prema odredbama predmetnog Ugovora Podnosilac prijave namjerava kupiti od privrednog subjekta „ANTONIĆ TRADE“ najmanje (preko 50,0%) ** dionica (što iznosi ukupno (..) ** dionica) njegovog povezanog društva privrednog subjekta „FABRIKA DUVANA“.

Također, predmetnim Ugovorom je predviđena i javna ponuda za preuzimanje do 100,00% dionica privrednog subjekta „FABRIKA DUVANA“, koja će se provesti i nakon odobravanja koncentracije od Konkurencijskog vijeća.

U skladu sa članom 12. stav (1) tačka b) pod 1) Zakona pravni oblik koncentracije predstavlja sticanje kontrole ili prevladajućeg uticaja jednog, nad drugim privrednim subjektom kupovinom većine dionica.

5. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanja relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitetu, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanja relevantnog tržišta, relevantno tržište u geografskom smislu obuhvata cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Relevantno tržište proizvoda predmetne koncentracije smatra se tržište prodaje duhanskih proizvoda.

Relevantno tržište u geografskom smislu predmetne koncentracije smatra se područje Bosne i Hercegovine, jer učesnici koncentracije preko distributivne mreže djeluju na cijelom teritoriju /tržištu Bosne i Hercegovine.

Slijedom navedenoga, pod relevantnim tržištem predmetne koncentraciji smatra se tržište prodaje duhanskih proizvoda na području /tržištu cijele Bosne i Hercegovine.

5.1. Analiza relevantnog tržišta predmetne koncentracije

Ukupna prodaja (količina / vrijednost /tržišni udio) učesnika koncentracije i njihovih konkurenata (u 2012. godini) na relevantnom tržištu u Bosni i Hercegovini:

Tabela 2.

R.b.	Privredni subjekt	Ukupna prodaje (mil. komada)		Vrijednost prodaje (u mil. KM)	
		Ukupno	%	Ukupno	%
1.	TDR (Rovinj, Hrvatska)	(..)**	(..)**	(..)**	(..)**
2.	FDS (Sarajevo, Bosna i Hercegovina)	(..)**	(..)**	(..)**	(..)**
3.	PMI (New Yor, U.S.A).	(..)**	(..)**	(..)**	(..)**
4.	IMPERIAL TOB. LTD (Bristol, United Kingdom)	(..)**	(..)**	(..)**	(..)**
5.	JTI (Geneva, Switzerland)	(..)**	(..)**	(..)**	(..)**
6.	Bulgartabac – Holding	(..)**	(..)**	(..)**	(..)**
7.	FABRIKA DUVANA	(..)**	(..)**	(..)**	(..)**
8.	MONUS (Beograd, Srbija)	(..)**	(..)**	(..)**	(..)**
9.	BAT (London, United Kingdom)	(..)**	(..)**	(..)**	(..)**
10.	KARELIA TOBACCO (Athens, Greece)	(..)**	(..)**	(..)**	(..)**
11.	Ostali	(..)**	(..)**	(..)**	(..)**
	UKUPNO (6+7) učesnici koncentracije	(..)**	(0-5,0)**	(..)**	0-5,0)**
	Ukupno	1.195,48	100,00	1.194,46	100,00

Izvor: podaci iz Prijave – Nielsen Bulgaria, Bul.Kukush 2, Business park, Antim Tower, Sofia

Prema podacima (Tabela 2.) ukupan tržišni udio učesnika koncentracije na relevantnom tržištu u Bosni i Hercegovini iznosi (0-5,0%)** na osnovu prodaje duhanskih proizvoda ili (0-5,0%)** na osnovu ukupne vrijednosti prodaje duhanskih proizvoda.

Prema podacima iz Prijave privredni subjekt Lukić Invest d.o.o., Dunavska 1/C, 78000 Banja Luka (JIB: 4402791130005) je jedini distributer za Bosnu i Hercegovinu duhanskih proizvoda privrednog subjekta Bulgartabac – Holding.

6. Ocjena koncentracije

Konkurencijsko vijeće analizom relevantnih podataka (Tabela 2.), u smislu člana 17. Zakona, je ocijenilo da provođenjem predmetne koncentracije se neće značajno povećati tržišni udio na relevantnom tržištu prodaje duhanskih proizvoda u Bosni i Hercegovini (podaci u Tabeli 2.), i neće doći do stvaranja i jačanja dominantnog položaja.

Ova koncentracija predstavlja značajan korak za Podnosioca prijave ka ostvarenju njegovog cilja, koji je proširenje na relevantno tržište van Evropske unije, dok će privrednom subjektu „FABRIKA DUVANA“ osigurati plasiranje svojih proizvoda na druga tržišta u regionu i širom svijeta, putem poslovne mreže sistema u okviru koga posluje Podnosilac prijave.

Sprovođenje koncentracije rezultiralo bi stvaranjem stabilnog sistema koji će omogućiti pouzdanog prodavca i partnera svim dobavljačima i obezbijediti kontinuirano, svakodnevno snabdevanje svim proizvodima iz asortimana.

Također, koncentracija će omogućiti jedinstven sistem kategorizacije i usaglašenosti asortimana robe koja se nalazi u ponudi maloprodajnih objekata, brži i lakši put relevantnog proizvoda od proizvođača do potrošača i veću dostupnost proizvoda potrošačima, što će direktno rezultirati sljedećim pogodnostima: snižavanjem cijena relevantnih proizvoda i/ili usluga, povećanjem kvaliteta proizvoda i/ili usluga, uvođenjem inovacija, povećanjem i proširivanjem mogućnosti izbora proizvoda i/ili usluga za potrošače.

Slijedom navedenoga, Konkurencijsko vijeće je ocijenilo dopuštenom predmetnu koncentraciju, u smislu člana 18. stav (2) tačka a) Zakona.

7. Administrativna taksa

Podnosilac prijave na ovo Rješenje, u skladu sa članom 2. tarifni broj 107 stav (1). tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

Predsjednica

Gordana Živković